

辛亥革命大事錄

草莽餘生隨筆

辛亥春各省志士要求速開國會不許未幾廣州革黨炸孚琦攻督署人心激
昂迨郵傳大臣盛宣懷以川漢鐵路收歸國有川民大譁川督趙爾豐格殺無
辜激成民變敘雅二府相繼淪陷廷議起用岑春煊並詔令端方帶隊入川八
月永平大演習尚未開始而鄂有革命軍起

八月十八日武昌革命之謀洩湖廣總督瑞澂捕獲革黨三十餘名交軍事參
議官鐵忠審訊旋將彭楚藩劉汝慶楊宏勝三人處決並搜得軍隊黨冊禍機
遂發

十九日晚七時革黨連合第八鎮工程營首先發難混成協繼之臂纏白布

為號撲楚望台劫火約庫攻督署全署被燬瑞督內衛隊擁護出城移駐楚豫
兵輪藩司連甲被拘藩署焚燬統制張彪參議鐵忠皆遁革黨分據各署全城
遂陷眾議推舉第二十一混成協協統黎元洪為鄂軍都督諮議局議長湯化
龍為民政總長稱為軍政府先是瑞督電奏十八夜事獲革黨正在提訊不料
工程輜重等營起事斬關而入分數路來攻其黨極多其勢甚猛因退登兵輪
調隊會勦並請派大員多帶勁旅赴鄂勦辦云云

二十日軍政府出示安民傳令商店照常交易遣兵渡江據漢陽兵工廠仍
令工作臬司馬吉樟公服坐大堂革軍護送出城

二十一日據漢口推前大江報主筆詹大悲為漢口軍政分府岑春煊居武
昌乘亂微服出城北京聞變舉朝震恐內外戒嚴廷議將瑞澂革職仍著督

署帶罪圖功尅期收復並派陸軍大臣蔭昌海軍提督薩鎮冰長江水師提督程允和赴鄂勦辦是日漢陽大別山架巨礮與湖北各艦互相轟擊

二十二日軍政府通知漢口各國領事團以保護租界自任各國領事始宣誓嚴守中立認為交戰團體兩方礮火如損害租界當賠償一億七千萬兩值開戰時於二十四點以前通告領事團戰鬥線必在租界十英里以外清廷上諭將統制張彪革職蔭昌所帶兩鎮軍隊已於本日專車陸續南下貝勒載濤等奏准停止永平秋操

二十三日扼守武勝關之張某投降北軍蔭昌之前哨由京漢鐵路馳抵劉家廟河南亦派隊來鄂漢口遂變為戰場河南派來之援軍一營於是日投降南軍清廷上諭湖廣總督着袁世凱補授並督辦撫事宜四川總督着岑春煊

補授並督辦勦撫事宜均著迅速赴任

二十四日北軍統帶馬繼曾率二十二標朱鄂駐紮江岸南軍佔領黃州

二十五日武昌已招兵二萬人陸軍中小學堂學生皆投効南軍兵餉每名八兩四錢識字者十二兩六錢

二十六日北軍總統蔭昌抵信陽州海軍提督薩鎮冰率領各級船開駛漢口江心下碇南軍佔領沔陽州是日南北陸軍在漢口開始小戰鬥

二十七日兩軍戰於劉家廟南軍參謀官胡瑛親自督師

二十八日南軍佔領宜昌沙市新隄

二十九日南北兩軍交戰互有勝負清廷上諭兩月以來四川湖北相繼肇亂均係匪黨潛謀不軌自為王法所不容惟被脅兵民不能不綢繆一面令

其自拔來歸如搜獲逆黨名冊立即銷燬毋得稍事株連

三十日南北兩軍戰於三道橋

九月初一日隆裕太后懿旨撥帑銀二十萬交袁世凱在湖北一帶核實賑濟蔭昌電奏督隊南下二十六日抵信陽州遇匪徒兩次來攻均經擊退統領王占元率混成第三協抵溝口俟混成第四鎮經過即行督率前進相機勦撫云云是日湖南兵變民軍佔領長沙湘撫余誠格出走防營統領黃志浩死之民軍公舉焦達峰為湘軍都督

初二日民軍佔領江西九江五十五標標統馬毓寶組織中華民國駐潯軍政分府初三日民軍佔領襄陽陝西民軍佔領西安撫署被焚署撫錢能訓不知下落藩司以下各官均逃

初四日南北軍戰於七里河民軍敗而復勝廣州將軍鳳山為革黨岑開始以炸彈擊斃陝西民軍佔領潼關

初五日隆裕太后因現在設立慈善救濟會撥內帑銀三萬兩以資拯濟又資政院糾參郵傳部大臣盛宣懷違法侵權激生變亂得旨盛宣懷革職郵傳大臣著唐紹怡補授未到任以前吳郁生兼署同日四川查辦鐵路事宜端方奏川事糜爛實由官民交關而成得旨前護督王文與趙爾豐著交內閣議處各官亦均交議諮議局議長蒲殿俊等即行釋放即責蒲殿俊等分投開導迅速解散派呂海寰沈敦和福開森等籌辦慈善會事貴州省城兵變民軍佔領貴陽

初六日漢口北軍與民軍戰於劉家廟官軍勝民軍退駐大智門清廷上諭撤

宮帑銀一百萬兩充作軍餉又旨湖廣總督袁世凱授為欽差大臣所有赴援之海陸各軍并長江水師暨此次派出各軍均歸該大臣節制調遣相機因應妥速辦理軍諮府陸軍部不為遥制以一事權又旨陸軍大臣廕昌部務繁重勢難在外久留即將第一軍交馮國璋統率俟袁世凱到後廕昌再行回京供職又旨馮國璋著總統第一軍段祺瑞著總統第二軍均歸袁世凱節制調遣是日袁世凱電奏起程日期

初七日漢口民軍敗退至漢陽

初八日廕昌電奏官軍先在滬口地方連日與匪相接時有斬獲初六日向前進攻行抵洋油廠地方遇匪千數百人我軍水陸協攻初七日用山礮側攻匪遂不支相繼潰散遂據漢口街市清廷上諭瑞澂電奏因兵艦煤盡而至九

江因九江兵變而至上海該督乃敢潛逃出省辜負朕恩偷生喪耻實堪痛恨
著張人駿迅即派員將瑞澂拿解來京治罪又旨余誠格電奏湖南兵變省城
失守情形自請嚴懲余誠格著即革職留任又旨大學士世續辭職李家駒
著充資政院總裁達壽充副總裁又旨民政大臣桂春著回倉場侍郎本任
趙秉鈞署理民政大臣太原新軍焚撫署巡撫陸鍾琦被殺推藩司王慶平
為都督廣東要求獨立粵督張鳴岐死之旋聞官軍獲勝復食言士民大憤
初九日漢口民軍多匿於民家狙擊北軍大憤縱火焚燒乘間搶劫或云北
軍因民房有礙戰線故焚清廷上諭下詔罪己有用人無方施治寡術政府
多用親貴則顯戾憲章路事蒙於僉壬則動拂輿論促行新治而官紳或藉
為網利之圖更改舊制而權豪或祇為自便之計民財之取已多而未解一

利氏之事司法之詔屢下而實無一守法之人馴致怨積於下禍迫於前川鄂變亂區夏騰沸生靈塗炭皆朕一人之咎也悼心失圖悔其何及等語同日又准資政院奏請頒布明詔將憲法交院協贊與內閣實負責任國務大臣不任懿親以及速開黨禁等指山西太原府民軍進攻娘子關

初十日漢口民軍進攻北軍未勝安徽省城新軍相約起事未果江西南昌民軍於是日起事

十一日清廷上諭慶親王奕劻開去內閣總理大臣大學士那桐開去協理大臣鎮國公載澤等鄒嘉來等均各開去國務大臣袁世凱着授為內閣總理大臣該大臣現赴湖北督師着將應辦各事略為佈置即行來京組織完全內閣又旨貝勒載濤開去軍諮大臣蔭昌着授為軍諮大臣仍暫管陸軍大臣事務

又旨慶親王著授為弼德院院長大學士徐世昌協辦大學士榮慶均著充弼德院顧問大臣又旨袁世凱現授內閣總理大臣所有派赴湖北陸海各軍及長江水師仍歸節制調遣江西南昌府民軍佔據公舉新軍協統吳介璋為都督巡撫馮汝駿死之提學司王同愈巡警道陸長佑等由公團護送出境安徽省城安慶府新軍砲營於昨夜起事與江防巡防等營劇戰各紳士見大勢已急晉謁巡撫朱家寶請宣佈獨立湖南湘軍都督焦達峯副都督陳作新因用人不公軍心不服被刺由眾要求民政總長譚延闓為湘軍大都督或云焦係會匪首領姜守旦冒充

十二日清廷上諭袁世凱著迅速來京湖廣總督着王士珍署理又旨第二十鎮統制張紹曾等奏稱初九日上諭仰見朝廷實行立憲以與天下更始三軍

感泣惟內閣一日不成立即內亂一日不平息並憲法請由議院制定等語張
先不奉調遣在東省截留軍火並稱要求實行立憲有兵士耳語荷戈西望等
語朝廷震恐

十三日清廷上諭資政院奏請實行立憲並先擬具重大信條十九條懇請宣
誓太廟布告臣民又旨撥內帑銀十萬交岑春煊拯濟川民江蘇上海吳淞肇
台高昌廟江南製造局均為民軍佔領上海道劉襄孫匿居租界上海縣田春
霆降雲南省城為民軍佔領公推新軍協統蔡鍔為滇軍都督雲貴總督李經
羲出境統制鍾麟同兵備處總辦王振巖死之總參議靳雲鵬受傷

十四日清廷上諭披覽資政院暨統制張紹曾等所奏益信致亂之源實由政
治不良徭徭宵旰良用惻然痛切剝膚須臾難忍頃適據袁世凱電奏奉到初

九日恩旨四件已令各軍停進並向武昌宣佈德意解散等語甚合朕意人民階級應由專制而進立憲至種族革命之謬說不顧公理不慮危亡非惟朕所不容我愛國軍民亦應視為公敵又旨袁世凱辭內閣總理該大臣務當勉為其難毋得固辭並着迅速來京任事又旨山西巡撫着吳祿貞署理迅速赴任毋庸來京陛見浙江杭州府為民軍佔領新軍八十二標入城攻撫署增韞被拘公推湯壽潛為浙省都督浙江紹興府宣佈先復

十六日資政院奏請速開國會着即迅速擬訂選舉法召集國會資政院奏請此次革命黨人按照法律改組政黨為國家之用江蘇蘇州府宣告獨立公推巡撫程德全為蘇省都督山東因聞政府將向德國借款三百萬以山東全省民稅作抵東省士民激昂公議決八條向巡撫孫寶琦要求代奏以抵制政府

十六日甯波公推統制劉詢為都督常崇清為副都督劉詢辭之回京師江蘇清江兵變公推蔣雁行為都督江蘇松江推鈕永建為軍政長謝宰平為民政長江蘇上海公推陳其美為滬軍都督李鍾珪為民政總長吳警為民政長山西巡撫吳祿貞至石家莊招降晉軍按日電奏宣撫情形旋聞漢口焚燒甚慘十五日上摺奏參蔭昌易通譙丁士源等慘無人道請嚴行治罪等語並截留軍火斷第一軍後路保定京師人心惶惶十六夜為第六鎮馬隊管帶馬惠田所殺首級割去聞馬為良弼等授意

十七日廣西桂林府宣告獨立公舉巡撫沈秉堃為都督二十鎮統制張紹曾聞吳祿貞被殺軍心大憤軍中改換立憲旗將大舉由京奉鐵道入京京中一夜數驚人民紛紛遷徙道為之塞

十八日安徽省城宣告獨立公推巡撫朱家寶為都督江蘇鎮江沿江各磯營為民軍佔領公推林述慶為軍政分府京口副都統戴穆自盡江蘇江甯甯城巡防統領張勳率部兵與民軍戰廣東省城各團體在諮議局集議組織新政府到者十餘人此會為獨立之預備

十九日資政院奏遵照憲法信條公舉袁世凱為內閣總理大臣廣東都督張鳴岐適至香港藩司陳望曾運司蔣式芬提法司王東恩等皆逃乃舉胡漢民為粵軍都督協統蔣尊簋為軍政部長福建福州府為民軍佔領勸閩督松壽反正不從旗兵與民軍交關旗兵敗松壽仰藥自盡將軍樸壽逃匿為民軍所捕公推協統孫道仁為閩省都督以高登鯉為民政總長山東省城諮議局要求八條北京內閣許可

二十日清廷上諭大學士徐世昌着授為軍諮大臣毓朗着開去軍諮大臣差使漢口南北兩軍連日互相攻擊不分勝負江蘇揚州府公推新勝營統領徐寶山充軍政分府安徽士民間王天培奉都督任王自稱係奉鄂都督任命來皖接受都督城市俱不承認集眾向王索回印信仍推朱都督任受

二十一日山東宣佈獨立公舉孫寶琦為大都督賈實卿副都督向紳民宣誓三條奉天紳民組織國民保安公會推趙爾巽為正會長吳景濂伍祥禎為副會長袁大任特遣劉承恩蔡廷幹至武昌與黎元洪議和黎以人民向望共和謝之劉蔡信宿而去清廷上諭各省不得以滿漢強分界限互相仇殺由滿漢統兵大員剴切曉諭又旨錫良着迅速來京

二十二日上海伍廷芳電致攝政王請遜位廣西獨立桂林不靖沈秉堃避匿

紳民公推陸榮廷為都督江西吳都督開會辭職彭程萬偽稱受海外孫文之
命令攝理贛軍都督余誠格電奏湖南巡撫關防沉落湘水擬暫刊湖南巡
撫行營關防以資信守

二十三日直隸諮議局要求政府組織共和政體山東烟台宣告獨立士民
公舉海軍學堂監督鄭汝成為都督鄭婉言謝之袁內閣由漢口到京帶衛
隊一標中外人士觀者塞途

二十四日安徽潯軍向司令官黃煥章索餉黃不應即擁至都督府朱家寶又
疑兵變踰垣而逸潯軍與衛隊聯合攻軍械局劫庫款巡防營兵及地方無賴
群起劫掠城內糜爛秩序大亂北京君主立憲黨楊度民主立憲黨汪兆銘等
發起國事共濟會

按汪兆銘即前炸攝政王者
此次因開黨禁釋放出來

意在要求停戰和平解決帝政民

政兩問題由全國人民投票公決之清廷上諭湖廣總督王士珍電奏因病懇請開去署任段芝貴著賞給副都統銜暫行護理湖廣總督又旨武昌事起大局岌岌實為全國存亡所關亟應徵集國民意見着各督撫傳諭各省紳士每省迅速公舉代表三五人尅期來京公同會議以定國事而奠民生又旨各省紛紛告警亟應選派名望素著人員分途安慰着派張謇湯壽潛江春霖譚延闓梁鼎芬趙炳麟喬樹枏謝遠涵柯劭忞渠本翹王人文高增爵充江蘇浙江福建湖南廣東廣西四川江西山東山西雲南陝西等省宣慰使迅速分赴各屬撫慰勸導

二十五日清廷上諭山西巡撫著張錫鑾補授又旨溥頤著來京當差熱河都統著錫良補授

二十六日江甯民軍與張軍交綏民軍勝皖亂稍平重組軍政府舉黃煥章為總司令宋邦翰黃盛鴻等為參謀停泊九江之海容海壽海琛三兵艦又魚雷艇數艘降於九江軍政分府吉林亦仿奉天辦法組織吉林國民保安公會推陳昭常為會長四川省城成都府公推金某為都督趙爾豐被殺各屬土匪乘機起事重慶被擾尤甚袁內閣面奏組織內閣推舉國務大臣著命梁敦彥為外務大臣趙秉鈞為民政大臣嚴修為度支大臣唐景崇為學務大臣王士珍為陸軍大臣薩鎮冰為海軍大臣沈家本為司法大臣張謇為農工商大臣楊士琦署郵傳大臣連壽為理藩大臣梁敦彥嚴修王士珍薩鎮冰張謇未到任以前外務大臣著胡惟德暫行署理度支大臣著紹英暫行署理陸軍大臣著齊輿暫行署理海軍大臣著譚學衡暫行署理農工商大臣著熙彥暫行署理

又旨袁世凱請簡各部次官胡惟德著補授外務部副大臣烏珍著補授民政部副大臣陳錦濤著補授度支部副大臣楊度著補授學部副大臣田文烈著補授陸軍部副大臣譚學衡著補授海軍部副大臣梁啟超著補授法部副大臣熙彥著補授農工商部副大臣梁如浩著補授郵傳部副大臣榮勳著補授理藩部副大臣胡惟德熙彥現著國務大臣外務部副大臣著曹汝霖暫行署理農工商部副大臣著祝瀛元暫行署理梁啟超梁如浩未到任以前法部副大臣著定成暫行署理郵傳部副大臣著梁士詒暫行署理

二十七日黑龍江仿奉天吉林組織保安公會推周樹模為會長直隸紳閭鳳閣王劭廉賈恩綏李渠等發起直隸保安會清廷上諭楊度奏請開缺劉建琛著補授學部副大臣又旨袁世凱面奏請簡湖廣總督段祺瑞著署理湖廣

總督兼會辦剿撫事宜又青升允著署理陝西巡撫督辦陝西軍務直隸通永鎮總兵著王懷慶補授

二十八日奉天聯合急進會舉張榕為正會長李永臣張涵初為副會長並舉張涵初蔡玉序二君為赴滬代表安徽總司令黃煥章殺吳春陽及畢大槐秩序又大亂宋邦翰等皆走江蘇徐州舉段書雲為民政總長林開謩為民政長二十九日安徽省秩序稍復剽掠未絕紳民電請黎宗嶽為都督黎本率軍出攻江甯為紳民挽留即以大通為皖軍政府清廷上諭度支部副大臣陳錦濤懇請收回成命陳錦濤於財政學素有研究著即遵前旨來京毋庸固辭三十日漢口民軍與北軍時有小戰無大勝負九江馬都督聞安慶兵亂特派總司令李烈鈞來皖查辦士民以黎宗嶽不在省垣遂議舉李暫充皖省都督

十月初一日江蘇程都督以組織代議機關開江蘇臨時省議會各屬議員準期赴會者七十餘人舉定張謇為議長蔣炳章為副議長江西都督彭程為本日宣布辭職軍政府有公請九江馬都督來省之議資政院奏請實行剪髮令初二日清廷上諭齊耀琳調補河南布政使

初三日奉天僑居之日本商民組織外交義勇團以自衛

初四日清廷上諭陝西匪徒擾亂治安肆意殘殺並有傷害洋人情事實堪痛恨著卞允及姜桂題所派將領迅速帶隊將此項土匪立即勦除北京國事共濟會楊度上資政院說帖陳請兩方停戰組織臨時國民會議解決君主民主之問題由議員江辛提議范源濂李文熙牟琳均贊成之惟俞長霖景安反對大聲呼曰資政院主張君主定立信條議員不可不守法議場秩序大紊漢陽

民軍與北軍戰民軍小勝江浙聯軍大破張軍於江甯城外

初五日漢陽南北兩軍接戰甚烈南軍總司令官黃興親自督師與北軍戰於十里鋪南軍礮隊管帶張某潛與北軍通駐城頭山之北軍得猛力撲攻遂佔扁擔山黃興率敢死隊禦之江浙聯軍進攻江甯今晨佔領幕府山礮台張軍悉被擊散即進取麒麟門午時張軍七千人出城拒戰各軍圍攻大敗之即佔馬群孝陵衛一帶進逼朝陽門死傷無算

初六日漢陽民軍與北軍戰北軍渡襄河民軍大敗北軍用側攻之法又勾通引線復潛與民軍台官張振臣通黑山龜山之砲止聲不發地雷火線亦截斷北軍大得勢奮勇進攻遂佔黑山龜山四平山梅子山是夜南軍渡江退守武昌江浙聯軍今晨以炸藥轟江甯之朝陽門未克九時與張軍戰於孝陵衛

張勳及部將分四路出城迎戰獅子山亦燃砲相應張軍大敗損千餘人退入
朝陽門降者五百人聯軍遂佔烏龍山幕府山進逼神策門及雨花台並襲攻
獅子山砲台清廷上諭張善義著署理山東曹州鎮總兵監國攝政王載灃代
清帝以憲法十九條宣告太廟第一條大清帝國皇統萬世不移第二條皇帝
神聖不可侵犯第三條皇帝之權以憲法所規定者為限第四條皇帝繼承順
序於憲法規定之第五條憲法由資政院起草議決由皇帝頒布之第六條憲
法改正提案權屬於國會第七條上院議員由國民於有法定特別資格者公
選之第八條總理大臣由國會公舉皇帝任命其他國務大臣由總理大臣推
舉皇帝任命皇族不得為總理大臣及其他國務大臣並各省行政長官第九
條總理大臣受國會彈劾時非國會解散即內閣辭職但一次內閣不得為兩

次國會之解散第十條陸海軍直接皇帝統率但對內使用時應依國會議決之特別條件此外不得調遣第十一條不得以命令代法律除緊急命令應特定條件外以執行法律及法律所委任者為限第十二條國際條約非經國會議決不得締結但媾和宣戰不在國會開會期中者由國會追認第十三條官制官規以法律定之第十四條本年度預算未經國會議決者不得照前年度預算開支又預算案內不得有既定之歲出預算案外不得為非常財政之處分第十五條皇室經費之制定及增減由國會議決第十六條皇室大典不得與憲法相牴觸第十七條國務裁判機關由兩院組織之第十八條國會議決事由皇帝頒布之第十九條以上第八第九第十第十二十三第十四第十五第十八各條國會未開以前於資政院適用之

初七日漢陽北軍焚歸元寺民軍復分數路襲擊北軍之左翼海容等軍艦亦協力猛攻被北軍一再擊退漢陽全為北軍所得江浙聯軍既佔江甯之幕府山遂以砲燬太平門北極閣張軍死傷者三千餘人聯軍佔據孝陵衛獅子山雨花台砲擊堯化門張軍稍退晚民軍攻神策門張勳逃張人駿鐵良匿日本領事署四川公舉舊諮議局議長蒲殿俊為都督山東布政使張廣建巡警道吳炳湘迫令山東聯合會取消獨立

初八日清廷上諭第一軍總統馮國璋電奏武昌革黨於九月二十六日遣悍黨二千餘人由漢口上游駝驛口潛師渡河抄襲官軍右翼後路當經國璋分兵迎擊黨眾潰散官軍踵躡渡河該黨防禦極固並多次反攻經官軍節節奮擊次第克復蔡甸四平山黑山梅子山龜山等處初七日中時克復漢陽當兩

軍酣戰之際黨眾由武昌遣兵數支渡江襲擊官軍左翼後路之三道橋叛艦
海容等艦協力猛攻均經官軍一再擊退各等語武昌此次兵變朝廷屢次開
導該黨迄不就撫幸各將士忠勇奮發克復重鎮深堪嘉尚馮國璋著賞給二
等男爵其餘出力將弁查明擬獎候旨施恩又旨第二鎮統制馬龍標因病呈
請開去差使該鎮統制着王占元充補江浙聯軍分三路進兵攻江甯之太平
門朝陽門儀鳳門聚賢門太平朝陽兩門攻破疑有地雷未進

初九日第三鎮統制曹錕督隊進攻山西江浙聯軍於江甯城外各險要分兵
扼守各省民軍公舉伍廷芳為外交總長溫忠堯為外交次長清廷上諭朝廷
不願以兵力靖亂乃疊降詔旨改良政體停止進攻而該革黨置若罔聞竟迫
成欲罷不能之勢昨據軍報已克漢陽反復思維轉增惴惴比月以來死亡枕

藉慘痛情形至不忍言雖殺機起自革黨而四境之內皆吾赤子著段祺瑞協商慈善救濟會不分畛域拯濟傷亡加意撫卹用副朝廷痼瘼在抱之至意資政院開秘密會議訂借英法比三國九千萬法郎或金磅三百六十萬年釐六釐先提七百萬元於一月內交付

初十日漢陽武昌兩軍小戰開砲遙擊而已江浙聯軍直逼紫金山(即天保城)軍士鼓舞前進張軍先戰後退至夜遂佔紫金山獲機關砲二尊江浙聯軍分兵征浦口張勳司令部在浦口一自中路攻寶塔山砲台一自西路攻猪頭山截張勳歸路江中兵輪助戰陸軍至老山方布陣張軍佯遣人乞和而伏兵起聯軍奮勇迎擊張軍大潰江西彭程萬辭職公舉馬毓寶為都督蘇州之新漢共和政團成立民軍照會駐漢領事團曰清廷因戰事向各國借款將來共和成

立民軍概不承認

十一日各省代表至武昌組織臨時政府黃興因漢陽失敗由武昌赴上海江浙聯軍遣砲艇五十餘艘駐守六合以截張軍北竄揚州民軍總司令徐寶山率兵萬人攻浦口之張軍奉天遼陽民軍與清軍戰復州民軍首領顧人宜以軍事權讓藍天蔚奉之為東三省都督後藍又將兵權交出因事赴上海日本人有本田代山根小林等在奉天施放炸彈巡警拘獲送日本領事署鞫問清廷上諭孫寶琦三次電奏請罷黜治罪並取消山東獨立等語姑予寬容著留任効力統制吳鼎元等此次反對獨立忠毅可嘉傳旨嘉獎袁內閣派第一鎮步隊三標第三營往平陝亂

十二日晨江浙聯軍轟毀北極閣張軍有啓太平門以迎聯軍者聯軍遣人訖

張軍投降當時部將曹榮華率眾千人胡令宣率眾三百人降旗兵亦繳械投誠午後四時聯軍大隊入城張勳遁張人駿鐵良偕日本軍艦全城遂為佔據上海張園開大會議到會者千餘人程都督德全陳都督其美黃將軍興伍廷芳溫忠堯李平書虞洽卿均蒞會公舉朱葆三為財政總長黃興演說武漢戰事言南軍軍械不利以致失敗現要急須籌款購辦新式軍械方可北伐云云清廷上諭廂紅旗蒙古副都統著段芝貴補授徐世昌充專司訓練禁衛軍大臣資政院會議欲向法國借款九千萬佛郎以各省歲入作抵全國輿論譁然順直諮議局因電法國政府不認此項借款

十三日武昌民軍依漢口英領事調停休戰三日由本日上午八點鐘起江蘇民軍佔據浦口張軍入徐州湖北民軍佔據黃陂庫倫宣布獨立舉活佛為大

都督辦事大臣三多被拘蒙古杭達親王招兵欲圖大舉天津總督陳夔龍派
警道楊以德捕獲民黨自稱北伐都督王熙普並餘黨六人本日由漢口英領
事仲裁令南北兩軍休戰議和訂約雙方畫押一兩軍仍駐現在之地位不得
進行二兩軍休戰期內不得有作戰計畫三兩軍不得繫留在長江各國之兵
艦四停戰日期以十五日為限清廷上諭寶芬因病敦請開缺應即照准河南
巡撫着齊耀琳補授倪嗣冲着補授河南布政使幫辦河南軍務又旨派壽勳
會同袁世凱徐世昌籌辦軍務河南嵩縣民軍王天縱率眾七千人起事
十四日天津鎮張懷芝等殺黨人王熙普餘黨劉子良等三人拘留三人釋放
此外概未深究

十五日河南王天縱起王津渡佔鐵魚嶺北軍奪據山西大同府民軍固守鴈

門閥各省民軍都督府代表聯合會開大會於上海因謀援鄂北伐各軍之統一遂舉黃興為大元帥黎元洪為副元帥兼任鄂軍都督清廷上諭陸軍步隊五標統帶官王金鏡著充第二鎮步隊第三協統領官

十六日廣東軍團協會成立與會者五十一軍清廷上諭監國攝政王面奏自攝政以來於今三載用人行政多拂輿情立憲徒託空言弊蠹因而叢集馴致人心瓦解國勢土崩以一人措施失當而令全國生靈橫罹慘禍痛心疾首追悔已遲泣請辭退監國攝政王之位不再干預政事情詞肫切出於至誠攝政王平時雖求治恭殷而濟變乏術以至受人勝蔽貽害群生自應俯如所請撤其監國之位退歸藩邸著歲給俸銀五萬兩嗣後用人行政均責成內閣總理大臣各國務大臣擔負責任所有頒布詔旨應請監用御寶並覲見典禮予率

同皇帝將事皇帝尚在冲齡著世續徐世昌著授為太保盡心衛護以示朝廷
不私君權與民更始之至意

十七日各省代表會議自十一日起至今日始議畢其關於和議條件如下甲
推倒滿洲政府乙主張共和政體丙禮遇舊皇室丁以人道主義待滿人附代
表姓名錄江蘇雷震希洛山東謝鴻濤雷光宇安徽王竹懷許冠堯湖南譚
人鳳鄒代藩福建潘祖彝湖北時象晉孫發緒王正廷胡瑛廣西張其煌上海
馬君武陳陶怡貴州席正銘歐陽煜清廷上諭資政院奏請降旨即行剪髮以
昭大同一摺凡我臣民均准其自由剪髮又旨資政院奏議決改用陽曆請旨
頒布一摺著內閣妥速籌辦又旨度支部副大臣著周自齊補授上海都督府
規定暫行官制分別委任參謀廳總長次長政務廳長外務司長次長內務司

長次長財政司長次長通事司長次長軍務司長次長參事會長副會長

十八日清廷上諭馮國璋著補授察哈爾都統未到任以前著何宗蓮署理

十九日山西北軍進攻民軍以違約噴有煩言大通軍政府黎宗嶽向安徽都督孫毓筠要求軍餉致啓衝突兩軍交關互有損傷陝西民軍守潼關甘督長庚率兵東下清廷派唐紹怡為議和全權大臣嚴修楊士琦為參議各省代表若干人前往漢口議和民軍公舉伍廷芳為全權代表聞唐行時與袁內閣密約以君主虛位共和為最後之解決嚴修固辭未往清廷上諭馮國璋著充禁衛軍總統官貝勒載濤等妥為交代良弼著補授軍諮府軍諮使又旨廂白旗漢軍副都統著良弼補授

二十日奉天急進會要求獨立為前路巡防營統領張作霖所抗拒山東濟東

泰武臨道聶憲藩派巡防隊捕民黨王五珂等十四人魯紳請援汪兆銘例開釋不許清廷上諭陳昭常等電奏以攝政王退位一節漫相推測殊屬昧於時事不知大體著傳旨申飭

二十一日清廷上諭張錫元著充河南第二十九混成協統領上海都督陳其美通電各省云南軍現已佔據南京即在南京建設政府有十省以上之代表到場即可選舉大總統組織統一政權此政府未立以前暫承認武昌為臨時政府

二十二日清旨安慶失陷巡撫朱家寶尚無下落皖北一帶盜賊蜂起擾害閭閻殊堪憫念所有皖北各屬吏治軍務均著河南巡撫齊耀琳管轄籌辦並著倪嗣冲兼署安徽布政使又旨河南歸德鎮總兵著李永芳署理奉天交涉司

許鼎霖聯合旅奉十三省團體致各省都督要求君主立憲北軍第三鎮統制曹錕奪回娘子關

二十三日清宵宋小濂著補授黑龍江民政使又旨馮國璋電奏第四鎮統制吳鳳嶺病勢增劇亟請開缺等語吳鳳嶺著開去第四鎮統制以陳光遠補充議和大臣唐紹怡及各隨員於二十二日抵漢口英領事葛扶君迎於車站屬英界嘉賓樓由該領事派警察保護黎都督黃元帥伍代表等均不願在漢開議要求移往上海是日唐使與嚴復過江謁黎晉軍政府派代表到石家莊與段軍統祺瑞議和未成而去

二十四日唐紹怡於十時同鄂軍政府代表胡瑛王正廷乘洞庭號輪船赴滬就商和議籌集愛國公債辦法交資政院修正議決清廷上諭陸軍正參領何

豐林著充第四鎮第八協統領陸軍正參領馬繼增著充第六鎮第十一協統領
湖廣總督段祺瑞抵漢接任第一軍事某君即華芬餘主下訪此主推袁之策志在以和
平解決共和問題遂偕同志孔慶塘夏清貽由京到漢運動第一軍贊成之因
第一軍參議靳雲鵬實與某君有成約故有此行各都督在南京大會議南北
議和事並舉黃興為總統不允

二十五日禁衛軍總統馮國璋定却第一軍由漢口啟程旋京

二十六日唐大臣抵滬寓英商李德立家隨員寓滄洲館袁內閣致上海伍代
表電云北方土匪迭起民不聊生此等匪徒大率冒充革黨毫無紀律頗足玷
辱民軍現雖兩方停戰而該匪徒騷擾如故官軍責在保民理難坐視執事佛
心濟世當必妥籌實行息爭之策至北方民軍實有幾處係何姓名能否恪守

粵處命令實行停戰祈查明示悉云云

二十七日山東巡撫前民軍都督孫寶琦奏請開缺胡建樞著補授山東巡撫又旨聶憲藩著署理山東提法使江蘇都督府官制現已規定參謀總長暫由程都督兼任次長顧忠琛鈕永建陶駿保政務廳長宋教仁外務司長馬良次長楊廷棟內務司長張一麐次長沈恩孚財政司長熊希齡次長姚文枬通埠司長沈懋修次長張一爵參事會長范光啓副長鄭芳蓀山西已平都督閻錫三赴陝太原商界請巡撫張錫鑾到任馮國璋抵京接任禁衛軍總統事

二十八日某君與夏清貽由漢口第一軍來滬祕密運動推求之策張勳致內閣電駐紮渦陽之兵隊因兵匪乘機追襲我軍馳禦激戰良久匪大敗死傷一千數百人清旨松壽著予諡忠節馮汝駉著予諡忠愍又旨段祺瑞電奏漢陽

鎮總兵張有亮查無下落著開缺聽候查辦李長泰著補授漢陽鎮總兵中俄勘界定議仍將滿洲里劃歸中國前在齊齊哈爾會議之員業經簽押言旋唐紹怡與民黨代表伍廷芳及各省代表互驗憑照開始談判伍堅持民主共和宗旨並要求北軍不得違約進攻各省俟袁回電再開正式談判當由唐電內閣請速指授機宜以便遵示是日伍之參贊預會者為溫宗堯王寵惠汪兆銘鈕永建王正廷唐之參贊預會者為許鼎霖趙椿年馮懿同歐廣祥

二十九日武漢兩軍猶約停戰惟兩方軍隊仍嚴修戰備不稍鬆懈南軍於贛湖洲一帶列砲數十尊北軍亦於漢口下游陽邏司左近排列砲陣以防襲擊清廷上諭陸軍正參領李厚基著充第四鎮第七協統領學部副大臣劉建琛因病准其開缺

十一月初一日上海輿論頗激云北軍不守戰約乘機攻臨娘子關且於秦晉陸續增兵伍代表已向唐責問唐云電告內閣是日兩代表開議講和事項會場秩序極整武昌代表及參議員共十一人其要求最要之四條如左一廢滿洲朝廷二立共和政體三優待舊皇室四依人道主義優待滿人清廷上諭立憲政體奏事限制頗嚴嗣後例應奏事人員陳述國務暫呈由內閣核辦毋庸再遞封奏某君偕黃元帥委任代表顧忠琛商訂密約五條一確定共和政體二首先推倒清政府者公舉為臨時大總統三優待清皇室四南北滿漢各將士各享其應得之待遇並不負戰時害敵之責任五同時組織臨時議會以恢復各地之秩序

初二日某君携密約返鄂夏君留申聯合同志北京各親貴聞上海議和民黨

主持激烈料無和平之望深責袁內閣者數事一漢陽得勝應攻武昌可以一鼓而下不應停戰二若在武昌議和宗旨尚能和平不應聽民黨調度移上上海開議三袁亟應乘此時機規復山陝以固北京屏藩然後徐圖安徽再攻鄂境進窺南京以資勦滅民軍斬絕共和種子云云調查北京財政困難已達極點海陸度三部及大清銀行實存現銀不及百萬川督端方在四川資州與其弟端錦為其部下所殺政府前電各省速舉代表來京會議國體問題迄無應者惟東三省應召而來資政院議員見袁要求優待清廷上諭張元濟著補授學部副大臣旋辭之武昌前後增兵各省到者不下萬人

初三日四川成都民軍攻破督署趙爾豐死之北京某親貴合資十五萬金組織宗社黨為內增維桂等三人出名招募敢死黨百人專備仇殺漢員愛國公

債認者寥寥僅世續認八百兩那桐認一萬兩各部堂官均認少數無甚効力
上海黃興再三請黎都督承受大元帥之職自為副元帥攝行大元帥事
初四日順直代表谷鍾秀張銘勳往上海各省聯軍紛紛到滬聲稱北伐均不
以和議為然

初五日清廷上諭潮州鎮總兵前陸軍第六鎮統制趙國賢因城陷自盡實屬
忠烈可風著加恩予諡賜卹旋議准諡曰忠壯蒙古王公連日開會反對共和
連銜向內閣陳明意見堅持君主立憲英國調停兩方和議當從正當解決復
介紹自初五日至十二日八點止兩軍續行停戰七日某君由申回鄂以密約
見第一軍段祺瑞痛陳大計段默許之

初六日清廷上諭韓國鈞著補授吉林民政使許鼎霖著補授奉天交涉使社

會黨本部設於上海支部設天津各處謀發達社會自制力以尊重人格為宗旨防務大臣張懷芝在順天山東直隸一帶續招巡防隊二十營

初七日唐紹怡電內閣略謂和議萬不能成國民黨堅持共和無可轉圜此後恐無開議之地步可否請速由臨時國會公決政體

初八日皇族臨國會行開院禮宣敕孫中山君由美國歸暨粵都督胡漢民美將郝墨黎等十餘人於日前抵滬黃元帥及仇代表蘇滬都督各西人均往迓大陸報訪員問孫曰携款來否孫曰吾携精神來又問曰民軍之間紛爭乎孫曰吾國字與無紛爭二字各省都督均致孫電以表歡迎議和隨員顧楚因嫌疑被拘索內閣因和議勢將決裂財政困難外交棘手大局已難挽回上表辭職清廷不准旋開內閣大會議全體上奏請開國民會議取決君主民主問題

幸而取決君主則民黨無所藉口萬一取決民主而皇室之優待自必異常尊
崇清太后覽表痛哭允召皇族會議

初九日懿旨內閣代遞唐紹怡電奏民軍代表伍廷芳堅稱人民志願以改建
共和政體為目的等語此次武昌變起朝廷頒布憲法信條告廟宣誓徒以大
信未孚競爭迭起惟我國今日君主共和二者以何為宜此為對內對外實際
問題固非一部分人民所得而私亦非朝廷一方面所能專決自應召集臨時
國會付諸公決茲據國務大臣等奏請召集近支王公會議面加詢問亦無異
詞著內閣即以此議電令唐紹怡轉告民軍代表預為宣示一面由內閣迅將
選舉法妥擬協定執行赴期召集國會並要商伍廷芳彼此先行罷兵以奠民
生而弭大難皇帝甫在沖齡余何忍塗炭生靈貽害全國但期會議既決以國

利氏福為歸余實有厚望焉又旨馮國璋奏請簡禁衛軍兩協統一摺王廷楨著調充第一協統領姚寶來著調充第二協統領

初十日內閣電傳懿旨於上海一面向各親貴要求擔任軍餉一千二百萬始可宣戰各親貴均不樂輸

十一日孫文被南京參議院選舉為中華民國臨時大總統得十七票

十二日黃興伍廷芳擬就在滬之各省代表開臨時國會公決君主民主問題經唐紹儀代達內閣當以公決問題關係至鉅不可草率從事駁之是日停戰期滿兩方電商展限半月由十二日至二十七日八點止某君由漢口偕孔慶塘來京袁克定亦由彰德到京與某君計議一切天津防務大臣張懷芝反對共和公電聯合主戰一時馮國璋姜桂題張勳曹錕王占元李純陳光遠等聯

合主戰者有十餘人之多旨梁啟超累經辭職著即開缺當繼著補授法部副
大臣內閣委派資政院總裁李家駒參議吳廷燮等妥速籌訂選舉法孫總統
在南京接任宣佈誓詞首頒剪髮鑿改用陽曆令以黃帝紀元四千六百零九
年十一月十三日為中華民國元年正月第一日各處均懸挂五色共和旗以
昭慶賀而先大典伍唐兩代表第五次議決各項如左一山陝由兩方派員會
同前往申明和約二張勳屢次違約縱兵燒殺大悖人道由清政府查辦三皖
鄂蘇山陝等處清軍限五日之內退出原駐地百里以外祇用巡警保衛地方
民軍亦不得追襲須由兩方軍隊簽字遵守四伍代表提議國民會在上海開
會日期定於十一月二十日唐代表電達內閣從速電復

十三日孫總統接任時即向參議院聲明俟將來民國統一袁世凱果能連入

民之希望仍當辭職相讓本日致袁內閣電略謂文抵滬諸同志即以組織臨時政府之責任相屬文既審艱虞義難固辭惟有暫為承乏知公方以旋乾轉坤自任虛左以俟之心必可大白於將來望公速定大計以慰四萬萬人民之渴望是所深幸聞此即某君運動推袁之策黃元帥以告孫總統克踐前約也內閣復唐國會公決昨採北京輿論僉謂必在北京開正式國會外藩蒙藏均須列席非倉猝所可從事務希竭力堅持勿稍遷就為要十四日清太后出內帑黃金八萬兩交內閣支用以助軍需灤州陸軍第二十二鎮軍隊要求共和有統領蘇廣川管帶施從雲王金銘張建功王石清鄭金聲馮御香陳寶龍徐廷榮及下級官佐上內閣電有全國人民之望共和甚於枯苗之望雨決非兵力之所可阻也誠以非共和難免生靈塗炭外人之干涉

我陸軍混成四十協全體官軍主張共和惟祈速定大局以救危亡而免慘禍
冒死上聞並電請伍代表將該軍參入民軍之列請示戰和機宜伍已據電通
告各省

十五日南京參議院選舉黎元洪為臨時副總統得十七票清廷上諭李永芳
著補授河南歸德鎮總兵唐紹儀內閣以國民會議連日商榷伍堅持會議
地點仍在上海惟蒙藏議員可由政府召集直隸魯晉陝甘議員政府與民黨
公同召集東南十三省議員由民黨召集仍以十一月二十日為限較原議已
稍變通斷難再讓內閣接電極為躊躇當經復電云民黨欲以寡人專制惟有
停止和議整軍以待等語唐已處於困難地位即向內閣辭職略謂赴滬議和
奉旨無狀請速簡員接替代聯名者十八人等語是日選舉黎元洪為副總

統新內閣成立北軍退出漢陽先是武昌南軍自停戰後籌兵籌餉著著進行
十二日停戰期滿十一日晚一點鐘南軍由黃鵠樓向江岸突放大砲至十二
日八點始止段祺瑞電內閣請示機宜答云已電詢上海俟回電再定機宜及
得唐辭職電遂飭段督云蒙自彼開惟有準備進攻仍候閣令云云京奉鐵路
因灤州兵變停駛一面電飭通永鎮王懷慶前往勸諭暫緩舉動以候國民會
議王到灤各軍官即公舉王為都督擬於十四日率師北上並通電各國公使
貴國人民生命財產本軍概負保護之責任祈嚴守局外中立等語王伴為贊
成來問策焉遂去灤軍射擊之水中馮國璋張懷芝姜桂題張勳等致慶醇洵
澤那桐繼祿及各親貴大臣等電要求助餉有公等犧牲財產僕等犧牲生命
等語內閣電調石家莊三鎮統制曹錕協統陳文運統兵赴灤

十六日清廷上諭楊士琦因病辭職梁士詒著署理郵傳大臣湖南提法使張鎮芳著開缺以三品京堂候補在度支部丞參上行走襄辦愛國公債事務並隸提學使傳增湘勸業道孫多森均著准其開缺

十七日孫總統頒布對外宣言書述革命之理由並訂約法八條一滿清國際條約認為有效二滿清所借外債賠款民國承認三滿清所讓之權利民國承認四人民生命財產民國保護五國家取固定主義六以國利民福為前提七滿人一律平等八提倡實業並信教自由清廷上諭直隸提學使著蔡儒楷補授勸業道著蘇品仁補授內閣欽使代表電云本政府委託唐紹怡赴滬作為總理大臣全權代表專為討論大局之利害其權限所在祇以切實討論為範圍乃迭接唐代表電開與貴代表會議各條均未先與本大臣商明遽行簽定

本大臣以其中有必須聲明更正各節電請轉商嗣據唐代表一再來電辭職未可強留現經請旨准其辭任至另委代表一節一時尚難其選嗣後應商事件先由本大臣與貴代表直接往返電商以期簡捷冀可早日和平解決伍代表復電略謂召集臨時國會一節貴政府既不願以在滬少數人取決則本代表亦不堅持到底請即電商辦法總以和平了結不使生民塗炭等語通永鎮王懷慶自滬逃回開平與第三鎮聯合王將附近雷莊鐵路拆毀整隊以待滬軍二營車行甚速駛出軌外滬軍急下車王命三鎮攻擊死傷逃亡一時雜盜統領受彈而亡施王諸人均在雷莊處死刑南京臨時政府成立即由孫大總統委任各部總次長姓名籍列左

陸軍部長黃興

湖南

次長蔣作賓

兩廣

海軍部長黃鍾瑛

福建

次長湯壽潛

湖北

司法部長伍廷芳

秋廣

次長呂志伊

雲南

財政部長陳錦濤

廣生

次長王鴻熙

湖北

外交部長王寵惠

廣東

次長魏宸組

福建

內務部長程德全

雲樓

次長居正

湖北

教育部長蔡元培

浙江

次長景耀月

秋陸

實業部長張謇

江蘇

次長馬君武

廣西

交通部長湯壽潛

浙江

次長于右任

陝西

十八日內閣致伍代表電國體問題付之國民會議貴代表業已承認自應徵集全國國民意見每縣舉一人為代表不得以每省三人為代表且蒙回藏各部落亦應各選代表為君主民主之解決不意國民會議未開民軍乃竟組織臨時政府並以少數人選舉大總統顯與國會公決之宗旨相悖究竟是何意見以後召集會議若贊成君主者占多數則前立之臨時政府及大總統是否立即取銷請速電復津浦鐵路南段歸民軍接收管理伊犁宣告獨立舉廣福

為都督

十九日清廷上諭四川總督端方帶隊入川中道遇害殊堪憫惻著加恩予謚優卹旋議准賜謚忠敏內閣致漢口段軍統電漢口漢陽退兵詳細辦法擬由尊處與黎元洪就近磋商由英使電漢口英領事介紹商訂各節須本大臣允准乃可簽押茲預擬各條希酌量妥訂一官兵退出漢口百里以外惟漢口一帶民軍須退過江之南岸二退兵日期三退出之後所有保衛地方事宜由該處現設之官吏酌留巡警保衛四退出後官民軍均不得進佔該地純為商埠性質不得築台設壘加增武備是日第一軍已派參議靳雲鵬與民軍約定各軍隊陸續退至廣水信陽州一帶駐紮

二十日四國銀行團會議將實行監督中國關稅事伍代表來電如果國民

公會取決君主臨時政府暨大總統自當取銷但取決共和清政府亦應立即取銷以符大信是日各國派兵守護北京至海口之鐵路粵都督胡漢民就總統府秘書總長任以陳炯明暫代粵人公舉汪兆銘為都督不就

二十一日袁內閣自南京臨時政府成立於議和之宗旨頗形變更又電伍代表謂十八日唐紹怡所簽訂之條約未經本大臣認可不能認為有效而伍代表屢次電駁不認改訂岑春煊亦電內閣主張取決國會早定大計設參謀處於總統府內以黃興充總長鈕永建副之並發布對於租界應守之規則十條二十二日上海電云清廷講和毫無誠意近復取消唐使資格選舉法及會議地點仍相持不下軍隊聯名清貴反對蒙王抗議種種阻礙共和已無希望惟有準備決裂而已俄國照會清廷請承認蒙古獨立各國外交團提議監督中

國海關直隸提督姜桂題復聯合各路軍隊強逼清貴籌餉

二十三日清廷上諭李經邁著署理郵傳部副大臣蒙古副都統那晉准其開缺田庚著補江蘇徐州道張勳致資政院電稱現在勳軍以及奉吉黑直東晉豫各省軍數十萬人均贊成君主決不承認共和憤懣奮發馳電聯合即日南下縱令糜捐頂踵肉薄血飛亦所不悔總以身滅國絕為止境幸各有諸公一垂察焉益望轉致上海兩代表一覽

二十四日駐俄清使陸徵祥聯合各使請求清帝遜位

二十五日隆裕太后發內帑黃金八萬兩以充軍費日本人倡南北分治之說以鼓惑當道俄人要求蒙古保護權其詞甚強美教士李佳白電請遜位

二十六日伊犁將軍廣福來電卸任將軍志銳被民軍所害全城已為民軍佔

據現已舉定楊都督是日伍代表電撫內外蒙古各王

二十七日清廷上諭占鳳著補授正紅旗護軍統領荆州副都統恆齡因城圍援絕竟以身殉著加恩予諡賜卹第一軍代表靳雲鵬到京連日向袁內閣暨各當道陳說利害速定大計取決共和與同志某君終日計議蓋志在救國救民保持北軍之秩序勢力為優待皇室之張本以和平解決共和無煩國民公決大意以內廷自行降旨為第一策以軍隊聯奏要求降旨為第二策各當道漸有贊成意而各清貴及漢大臣尚有頑固抵抗之者趙秉鈞楊度等恆以利害說慶醇諸人請內廷降旨又洋商團致電醇慶要求共和慶贊成奏陳太后明日召集王公會議

二十八日袁內閣乘車入宮赴御前會議議畢行經東華門外丁字街忽遇二

人猛擲炸彈彈到車已馳過誤中護衛馬隊數人及隊官袁振標死之并斃馬數匹傷二十餘人四處搜集黨人當場拿獲擲彈者三人及嫌疑者十數人交執法營務處審訊伍代表電內閣謂討論問題全未就緒今本代表承認再展限十四日由十一月二十七日起至十二月十一日八點止由兩方同時通告各軍隊午後王大臣外交團紛紛親往問訊袁公遇險之狀太后亦遣內侍往問咸以袁公關係大局非淺互相慶幸

二十九日俄粵德比法和各使咸書慰問袁公復書道謝袁遇險後甚為鎮定惟耳膜震動略為失聰且偏身發炎請假三日調養孫總統來電慰問極道歉忱總統務司安格蘭上海李提摩太倫頓每日電報訪員均來電慰問所獲暗殺黨姓名已由執法陸建章訊明一名黃天鵬或曰澤民保定人一名張先培貴州人一名

楊禹昌^{四川人}楊擲第一彈形稍小似牛角未炸張擲第二彈形甚大撞於自來水管轟裂由水管分開未中表車黃擲第三彈三人律以絞罪其因嫌疑逮捕者交保候放或謂此次炸彈非出於民黨乃宗社黨所為傳說紛紜莫衷一是消費開御前會議取決國體問題慶倫極主共和因蒙王力爭內閣未到始改初一日再議議定即行宣布

三十日清廷上諭烏珍著補授步軍統領仍兼民政部副大臣中華民國聯合會成立開大會於江蘇教育總會到者二百餘人舉章炳麟為正會長程德全為副會長孫眉君由南洋携餉二十萬抵甯京師自炸彈案發各處戒嚴無辦者沿途出入皆極注意查問行路咸有戒心袁克定驚聞內閣遇險自彰德星夜來京漢口來電北軍與南軍立約退駐廣水先是南軍佔據黃陂約兵一鎮

又兵四千由武昌陸續向海口進發烟台來電藍天蔚二十七日率兵船三艘過烟台由登州上岸內閣已向伍代表電話伍電以升允違約進攻已抵西安為辭表電復以西北通地土匪文電阻隔駁之湯壽潛就交通部總長之任浙人公舉蔣尊簋為浙江都督設衛戍總督府於南京以徐紹楨為衛戍總督江蘇莊都督通告裁府併縣

十二月初一日慶邸恭肅那各郎洵濟兩貝勒倫貝子澤公博公喀喇沁王奈曼王土爾扈特王熙貝勒等原定御前會議臨時忽改為內閣會議各部大臣均列席袁因請假未到梁士詒先發言謂袁內閣有病不能出席今以本大臣及趙胡二大臣代表袁內閣之意係組織臨時統一政府暫理全國事務趙秉鈞接言曰一面組織臨時統一政府一面開國民臨時大會以決定國體問題

因北方兵力不敷分布且兵餉只敷一月現時尚能保全者東三省外止有北
四省此數省人民亦復主張共和萬一民軍北來兩宮與宗廟皆極危險為今
之計除組織臨時統一政府外別無辦法請各位王爺斟酌慶邸口吻一變似
受人所嗾使者恭邸溥偉持之尤力謂非君主立憲不能承認那王仍主前說
衆情一致激奮異常後因衆意未協遂託言與內閣再行協商而散同時慶醇
隨到內閣協商袁曰此等大事決非閣臣所敢擅專仍請各親貴自裁如必以
此事相逼則惟有辭職而已清廷上諭范書田補授天津鎮總兵岑春煊由上
海分電內閣暨醇恭洵濤倫澤等力陳利害請速贊成共和請代奏各國要求
派兵保衛京奉鐵路嚴守中立距離鐵路十里以內不得有戰鬥行為各清貴
暨良弼等運動第一鎮禁衛軍官長大舉主張反對共和君主立憲黨王金綬

等主持甚力各處編發傳單是日有多人勸內閣初三日起津避其凶談者果公使並允保護同行各部酌留數員復電駐滬三鎮劉洋衛護靳雲鵬與某君竭力阻之以為不可恐出之太驟京師紛擾致啓外交新復入見內閣此事遂罷議

初二日蒙古活佛宣布獨立舉行御極典禮某禁衛師團有俄國贈與之極新式之機關槍知傳北京宗社黨禁衛軍等將有暴動漢人外人均極惶恐南京教育部頒布教育通告各校照常開學改學堂為學校監督堂長通稱校長初等小學男女同校其教科書關於尊君一律刪改

初三日日本善鄰同志會宣言贊成民國共和而政府委任日人寺尾亨副島義為法制顧問大體殺為政治顧問英美各教士聯名電請清廷遜位南京現

派胡瑛為西北經略使安撫陝甘四川等省中央及各部官制經法制長宋教仁編定交參議院議決實行是日內廷召見慶醇二邸慶因連日為君主黨良弼等恫嚇不敢再言共和乃於八時始呈遞假牌醇邸行至中途亦折回藩邸奉天大吏倚任張作霖馮麟閣為長城張勳侵擾徐州殺其幫帶某全軍大譁初四日內廷召集親貴王公取決國體問題慶請假未到其贊成君主者什九恭王等力陳太后勿為外人所惑太后曰吾以遜位之舉關係過大故與大家商議大家既不贊成我亦何敢擅專耶言畢大慟各親位亦欷歔不止馮國璋向內廷要求軍餉六百萬現已派人至河間一帶招兵二十營吳錢孫思民黨仇已棄職避居青島所遺外城總廳廳丞清廷上諭著治格署理南政府公布臨時政府公文程式五條甲上級行下級或行人民曰令或諭乙同級互行曰

咨兩下級及人民上呈者曰呈丁公告曰示但經參議院議決之法規由大總統宣布者曰公布或任用職員及授賞徽章之證書曰狀

初五日宋社黨上書內閣詞極嚴厲意謂欲將我朝斷送漢人我輩決不容忍願與閣下同歸漸滅內閣覽之甚不自安日人兩森良意上書於馮國璋陳南北分治之策洋洋數千言馮頗為所動是日內閣約唐昌王士珍姜桂題馮國璋密議大計馮主戰王亦附會馮意姜似不欲戰唐則主和內閣太息良久曰諸君願戰則戰耳遂有各軍整軍備戰之通告

初六日恭邸溥公主偕外兵以抗共和蒙古王公紛紛出京回旗組織獨立及練兵等事伍代表致孫總統國務卿參議院電曰來與袁內閣切實籌商清帝遜位辦法本定早日宣布因發生難題以致阻滯如對於北方統治權須得北

方軍隊人民贊可由袁內閣與南京政府協商另行組織統一全國之新政府如此於對外對北可期完美庶免陷於無政府之狀態陳其美溫宗堯二君均已贊成靳雲鵬電第一軍謂第一策內廷降旨為君主黨所阻全歸無效請速籌第二策聯奏要求之計畫由第一軍發起通電事機急迫請速決行翌日第一軍復電云第一策失敗事在意中此等大事豈能過求完全本軍即籌發起通電各軍聯名入奏袁內閣致伍代表電國會選舉法與國會地點相持愈久國民受害愈深本政府為和平幸福起見不忍再開黨端將選舉法酌量變通改為每府為一區地點改在天津如何希速復南政府擬以上海招商局押款一千萬兩南軍代表朱希煌接南政府電一清帝遜位由外交團通知民軍政府後孫總統即向參議院辭職二由參議院公舉袁內閣為臨時大總統三袁

即發表實行贊同共和政見取消北京政府到南京就大總統之職四袁即任大總統後須誓守參議院所定憲法第三條北政府靳雲鵬等多不滿意經袁君克定轉告朱希煌朱向南方政府同時取消另行組織新政府初七日靳雲鵬赴保與協統鮑廷九商軍隊聯合事某君接厦清貽電云貽到滬甯遍詢當道推袁之舉南中確已公認惟清內閣應隨皇室俱倒袁儘可以公民資格由眾推舉電到即行萬勿再延停戰期斷難再展切勿失機某君以厦電交參議處傅良佐代達內閣昨今兩日謠言四起禁軍與宗社黨游緝隊將合而謀袁聞將舉趙爾巽為總理又將用一等候封以牢籠之時袁僅唐天喜一標保定兩營勢甚危險各國按照庚子條約派兵保護京奉鐵路其保護區域劃分五段北京至楊村歸英楊村至塘沽歸法塘沽至唐山歸德唐山至

灤州歸美灤州至山海關歸日某君運動灤州軍隊入衛京師統制曹錕許之
初八日灤州三鎮曹錕先電內閣曰錕聞西匪猖獗京師人心不靜擬帶所部
進京入衛夜半復奉內閣電云京師紛起恐有仇洋舉動速統混成一標進京
駐天壇附近是日懿旨內閣總理大臣袁世凱公忠體國懋著勤勞自受任以
來籌畫國謨匡襄大局厥功尤偉著錕封一等侯爵以昭殊獎又旨李家駒准
其開去資政院議長著許鼎霖補充伍代表復內閣電云停戰屢次展期原冀
和平解決前與唐使簽定各款如國會議決辦法不意貴大臣食言反悔致失
人民希望本代表不忍決裂力勸臨時政府以最優之款待遇滿清皇室已承
貴大臣允許一切乃於事機將定之時忽然中變實為全國人民所共憤目前
事機異常危迫距停戰之期僅有三日萬不能再展戰期以誤時日貴大臣如

果實心主張共和務期於三日內速令清帝遜位以安民心而定大難否則兵釁再啓其咎不在滿廷在貴大臣一人而已內閣復電唐紹怡所允之款本大臣並未承認故不能視為有效至遜位一層本大臣亦並未公然與貴代表商及伍代表致黎副總統電日前唐代表致段君祺瑞電勸其贊成共和諷令清帝遜位昨接段回電比因政体由內廷會議自應靜候解決乃至今尚未定議瑞已電閣代奏痛陳利害並聯合各軍奏請俯順輿情云云段能如此洵明大義祈專處速派心腹代表與之接洽一切是所切盼

初九日灤州第三鎮曹錕帶隊入京是日張軍挑戰柏軍與張戰於臨淮關懿旨袁世凱奏滬陳下情亟請收回封爵成命一摺具見謙抑之忱惟時局詭危該大臣艱辛困苦一力支撐保全甚大錫以侯爵洵非過獎其敬受朝命毋

得固辭第一軍總統段祺瑞發起聯合各軍隊十四萬人電奏朝廷請定共和以鞏皇位而奠大局大意謂優待皇室王公旗各條款至為優美從此皇位永保真國家無疆之祚也想望共和懿旨不遑朝夜乃聞為輔國公載澤恭親王溥偉等一二親貴所尼事遂中沮貽害大局姑無論兵連禍結兵力彼優我絀不能再啟釁端而餉源告匱兵心動搖一旦決裂深恐失地喪師宗社隨傾彼時皇室尊榮宗藩生計豈能保全祺瑞等治軍無狀一死何憾特捐軀自効徒徇愚忠而君國永淪追悔何及況默察人心趨向即由國會公決仍難免出於共和一途何如預行裁定示天下以至公速頒明詔改定共和政體中國前途幸甚不勝激切待命之至會辦勦撫事宜第一軍總統官段祺瑞尚書銜古北口提督毅軍總統姜桂題護理兩江總督江南提督張勳察哈爾都統陸軍

統制官何宗蓮副都統段芝貴河南布政使幫辦軍務倪嗣冲陸軍統制官王
占元曹錕陳光遠吳鼎元李純潘榘楹孟恩遠河北鎮總兵馬金敘南陽鎮總
兵謝寶勝第一軍總參議官靳雲鵬吳光新曹錕馬陶雲鶴參謀官徐樹錚
隊協領官蔣廷梓陸軍統領官朱泮藻王金鏡鮑貴卿盧永祥陳文運李厚基
何豐林張樹元馬繼曾周符麟蕭廣傳聶汝清張錫元營務處張士鈺袁乃寬
巡防統領王汝賢洪自成高文貴劉金標趙倜仇俊愷德廷劉洪順柴得貴陸
軍統帶施繼濱蕭安國謹叩內閣致伍代表電現在籌商優待皇室條件尚有
以清貴把持反抗又慮禁衛軍等或有無意識之暴動則北京秩序擾亂
動外交為害匪淺現在已密為布置未可以停戰期滿前來相逼是日前禁衛
軍協統軍諮使宗社黨首領良弼由肅王府議事回有一軍人自稱崇某登門

求見追晤面突以炸彈猛擊中良股股折烈士當場斃命良輩絕復甦延日醫
救護鋸其一足生命岌岌按烈士彭家珍字席儒籍隸四川崇恭蓋偽托也天
津防務大臣張懷芝由京回津到站換乘馬車革黨突發炸彈木中復擊手槍
又未中當被警士拏獲送營務處訊辦按烈士薛成華字敬臣北京人寄籍南京
初十日段軍統電奏到京某君刷印一萬分分布民間國風報亦於號外印送
同時遍傳彭彈段電一時並舉人心稱快中華民國於是乎成立矣君主黨多
有指段奏為偽造者王士珍亦言於項城恐係段之左右青年所為項城未即
代奏嗣趙秉鈞梁士詒阮忠樞傅良佐等力言無偽造之理由復電詢段段不
答始信而入奏某君急電告南軍顧忠琛夏清貽俞仲還君曰某等運動北軍
聯名要求宣布共和今日入奏大功可望告成希達樞要表內閣是日再辭侯

封奉懿旨再固辭

十一日夏清貽來電仄電傳續告成同聲慶賀已由顧君忠琛代達臨時政府矣洪自成率巡防隊三營入京保衛京師一律戒嚴良弼因傷斃命袁內閣郵銀千金遣員往弔內廷見北軍聯電太后以示各王公清貴王公清貴相顧驚愕者久之徐曰此電未可儘信尚須斟酌不歡而散聞澤恭等見段摺頗覺怨恨是日天津大放炸彈獲數人有一日本人死焉南京臨時政府參議院開成立大會總統親蒞行禮

十二日隆裕太后傳諭內閣段奏已覽朝廷深願和平解決該大臣等宜仰體此意從速布置各親貴復開御前會議恭邸請假雖無正當之解決然相對歡款已無甚阻力太后復告內閣諸事聽卿所為但求保全吾母子二人足矣並

令擬宣布共和之詔交閣尊藏俟優待皇室條件議定再行宣布是日某君又接夏清貽雷皇室已推未倒以會議為延宕計事機鬆懈將校勢必離間解體可危應速設法帶隊脅迫一舉成之萬急勿再延緩貽文某君携夏雷至參議處與傅良佐商之傅云已告急於第一軍矣聞軍統將帶隊入京以清君側當晚電知夏君云已另籌辦法不致有變

十三日懿旨袁世凱奏迭奉恩旨未敢堅辭懇俟時局稍定再行受封一摺知道了漢口官軍乘火車北上行至中途軌道忽被炸藥轟裂全車盡停隨後又來一車將前車後尾撞毀五輛傷亡甚眾馮軍統國璋贊成共和日向禁軍演說全軍一律贊同

十四日清廷上諭馬金敘著補授甘肅提督所遺南陽鎮總兵著孟恩遠補授

又尙已故伊豫將軍志銃子諡文貞軍諮使良弼因傷身故著照副都統陣亡
例從優賜卹駐京第三鎮毅軍巡防隊禁衛軍各官長開茶話大會陸建章馬
龍標曹錕演說大義一時吳越一家嫌疑悉泯人心大安孫總統電告北方將
士勸其反正馮國璋姜桂題張懷芝皆有復電贊成共和惟要求優待皇室是
日伍代表分電孫黎暨南京國務員參議院各首都督北伐聯軍等大意謂自
陰曆二十八日與唐議和一為彼此停戰一為開會共決國體問題迨既定會
議選舉法而袁忽撤銷代表與廷直接電商廷始終堅辭不允迨停戰期滿解
決無期袁復請續停戰適滬洋商團希望共和解決因再允展十四日決不再
展在此期內清帝有遜位之議彼此籌商優待皇室及優待滿蒙回藏各條件
通告內閣以示民國優容之度袁氏能於清帝退位之後發表贊同共和之政

見由駐北京外交團通告臨時政府孫大總統當即辭職由院公舉袁為大總統乃清廷少數親貴把持反抗屢接內閣來電謂禁衛軍反抗慮秩序紊亂牽動外交已密為布置未可於停戰期滿前來相逼是則停戰期內未能和平解決者咎在清廷今段君祺瑞聯合各軍隊大員四十二人奏請早日宣佈共和段君統軍現駐武漢前敵已電請黎副總統接洽如聯為一致兩面不致再有戰事皖北徐州袁已允飭張勳倪嗣冲勿再暴動陝西亦允派員繞道持函致升允禁其前進總之停戰期滿可望和平萬一決裂則非釁自我開民國政府對國民友邦均可昭示此意廷芳叩粵軍在固鎮與張勳交綏日本頗注意中國亂事第十二師團已出發

十五日南政府陸軍部解散女子國民軍粵軍與張勳戰於固鎮粵軍勝袁軍

遍發傳單謂外間傳說某黨將與袁內閣為難我北軍皆出自內閣部下倘有人損其毫毛當滅其種以報復之南京駐守兵除第一二三師團外其餘各軍已分道開拔北京蒙古聯合會那彥圖等電伍代表贊成共和結合五大種族以禦外患上海國民協會溫忠堯等電賀北軍贊成共和清旨阮忠樞署郵傳部副大臣王廣補授軍諮使倪嗣冲之軍仍由潁州進逼壽州正陽關南京派鐵血軍赴援

十六日東三省總督趙爾巽反對遜位言如共和詔下當不辭而去馮麟閣張作霖亦極反對政府派張錫鑾充東三省防務大臣以為接收東省之準備馮麟閣假名勤王要求入京內閣不許陳慶龍著賞假三個月張鎮芳著署理直隸總督段軍統聲稱帶隊入京要求迅頒共和有揮淚登車不知所云等語

十七日某君會同靳雲鵬在京發起南北共和憲政統一會並函電夏清貽一
體組織分會以聯絡兩方融洽意見組織政黨主持和平建設一堅強統一政
府督促共和憲政之進行為宗旨傅良佐唐在禮靳雲鵬王廣劉詢與某君等
復組織一軍界統一聯合會藍天蔚率軍自鴨綠江口登岸奉天清軍接戰藍
軍勝粵軍及憲兵聯隊與張勳戰於宿州其兩次獲勝皆協統林震所統之軍
清貴恭肅那澤等均紛紛出京赴奉運動獨立

十八日章太炎張靜江任臨時政府樞密顧問官黃興唐紹怡勸張勳贊成共
和張允不進兵孫科孫文子由美洲返國北政府有主張北方軍隊自行公舉袁
內閣為大總統者靳雲鵬與某君阻之第一軍曹雲沛亦力阻此議袁內閣提
出之優待皇室條件已經民國臨時政府參議院修正議決大意謂清帝必須

退位至於待遇皇室不妨從優又滿蒙回藏一律平等待遇條件為諸族贊同共和協建民國自應有此辦法日本政府暨政友會不承認共和民國而民黨多有贊成者為大養毅大石正己兩君駁擊其政府對華態度甚力清旨周樹模賞假三個月宋小濂著署理黑龍江巡撫是日夏清貽電某君云銑電忠尊處提倡南北軍界聯合會暨南北共和憲政統一會各方面極表同情擬即照辦餘至詳貽皓

十九日南北通電如第二款優待皇室四百萬兩永不減少慶賀大典由民國擔任禁衛軍名額俸餉仍舊不隸陸軍部等件均小有衝突尚待磋商清旨徐世昌常川進內日益勤勞著開去軍諮大臣以示体卹

二十日上海來電參議院議決帝號不廢以外國君主禮待之歲用四百萬暫

居宮禁再移頤和園禁衛軍歸陸軍部編制其餘優待條件均可通融照准伍代表電南京政府云蒙古聯合會阿王那王等來電贊成共和

二十一日內閣電伍代表云優待條件事關皇室本大臣前以職在行政談不及此是以兩接來電未便答復現本大臣有全權商酌此事請自十七日至二十四日八點鐘止續停戰一星期以便協商云云伍復電云現在北軍全体贊成共和毋須再議停戰近日段軍統與副總統各派代表協商各軍可以仿行應一面由閣下電飭張勳倪嗣冲等一面由臨時政府電告皖北淮徐等處速由兩方軍隊派出代表接洽一切陝西山西山東等處亦一律仿照辦理如此則南北聯合一致俟優待條件議定即可解決特復豪袁又復電豪電悉甚善已通電各路軍隊接洽第一鎮統制何宗蓮電孫大總統請化除南北畛域融

治意見化敵為友不戰而功成否則彼此觀望外強干涉吾雲南庫倫呼倫貝爾伊犁西藏將入他人之手大事去矣皆公之咎也孫復電甚謙並有退避賢路之語南京參議院開大會下午二時開議討論臨時約法草案有主張應仿法國制添設總理者有主張應仿美國制不設總理者爭論甚烈竟未表決連日外交警報日本兵有一萬三千名在奉天大連灣柳樹屯登岸俄人圍臚濱府呼倫道轄境已成土崩之勢間接而入俄人之手或云係某皇族所主持云二十二日清廷上諭錫良准其開缺著崑源署理熱河都統參議院續開審議會討論應否設總理仍未表決暫置緩議陸軍部提議裁撤軍政分府酌量地方情形改設司令部絕對不干涉軍政以外之事參議院多數決可參議院劉成勳等提議臨時政府押借外債及發行軍用鈔票未交院議決有背臨時組

織大綱計分三項一以兵力強迫招商局押借外款二擅發軍用鈔票三以漢治萍公司押借鉅款致成中日合辦殊失政府信用應請公決後另議善法南北磋商臨時政府問題北軍聞袁公須至南京就大總統之職均生反對之意徐州兵變

二十三日民國優待皇室條件呈進後親貴議請袁要求將清帝遜位字樣改為皇帝致政又大內不願遷讓以太廟在大內為辭民軍之陸續調往臨淮一帶者已近十萬人湯壽潛力辭交通總長伍代表通電南軍各處略謂廷所堅持者必清帝宣布贊成共和然後民國於其退位之後予以優待清帝雖不去其尊號而以外國君主之禮相待王公雖不去其爵而公權私權一切與國民同等法蘭西為民主國至今日世爵仍存似無須過於爭執是日袁內閣致譚

人鳳電謂伍代表交譚君人鳳齊電悉國體問題正在磋商力求和平解決來電所慮各節必可消弭此事但求實際不繫虛稱如以武力迫脅則恐橫生枝節反多阻礙大非吾人渴望平和之心希布同志共鑒此意濟南共和促進會亦電內閣催促早日宣布贊成共和

二十四日浙省內訌甚急各團體電攻蔣都督黎副總統以共和即日宣布恐統治機關中斷通電孫伍暨各部長參議院等請將應推之大總統及臨時政府必要之人員與地點迅速電示俾與北軍公議以免猜疑云云

二十五日上海夏清貽致某君函云此次優待皇室各款委曲以求和平而粵軍極端反對經伍代表暨汪兆銘竭力解釋調停始息順直諮議局致電催促迅速宣布共和以弭亂源孫大總統向參議院宣言現和議大致就緒已無可

再議倘一二日再不宣布共和決計取消優待皇室條件北京政府傳達明日
必下共和詔

二十六日清帝宣布共和詔曰朕欽奉隆裕皇太后懿旨前因民軍起事各省
響應九夏沸騰生靈塗炭特命袁世凱遣員與民軍代表討論大局議開國會
公決政體兩月以來尚無確實辦法南北睽隔彼此相持商榷於途士露於野
徒以國體一日不決故民生一日不安今全國人民心理多傾向共和南中各
省既倡議於前北方諸將亦主張於後人心所嚮天命可知予亦何忍國一姓
之尊榮拂兆人之好惡是用外觀大勢內審輿情特奉皇帝特統治權公諸全
國定為共和立憲國体近慰海內厭亂望治之心遠協古聖天下為公之義袁
世凱前經資政院選舉為總理大臣當此新舊代謝之際宜有南北統一之方

即由袁世凱以全權組織臨時共和政府與民軍協商統一辦法總期人民安靖海宇又安仍合滿漢蒙回藏五族完全領土為一大中華民國予與皇帝得以退處寬閒優游歲月長受國民之優禮親見郅治之告成豈不懿歟又旨朕欽奉隆裕皇太后懿旨前以大局岌危兆民困苦特飭內閣與民軍商酌優待皇室條件以期和平解決前據復奏民軍所開優禮條件於宗廟陵寢永遠奉祀先皇陵制如舊妥修各節均已一律擔承皇帝但卸政權不廢尊號並議定優待皇室八條待遇皇族四條待遇滿蒙回藏七條覽奏尚為周至特行宣示皇族滿蒙回藏人等此後務當化除畛域共保治安重親世界之昇平胥享共和之幸福予實有厚望焉欽此附錄優待條件如左甲關於大清皇帝辭位後優待之條件第一款大清皇帝辭位之後尊號仍存不廢中華民國以待各外

國君主之禮相待第二款大清皇帝辭位之後歲用四百萬兩俟改鑄新幣後改為四百萬元此款由中華民國撥用第三款大清皇帝辭位之後暫居宮禁日後移居頤和園侍衛人等照常留用第四款大清皇帝辭位之後其宗廟陵寢永遠奉祀由中華民國酌設衛兵妥慎保護第五款德宗崇陵未完工程如制要修其奉安典禮仍照舊制所有實用經費均由中華民國支出第六款以前宮內所用執事人員可照常留用惟以後不得再招閹人第七款大清皇帝辭位之後其原有之私產由中華民國特別保護第八款原有之禁衛軍歸中華民國陸軍部編制額數俸餉悉如其舊乙關於清皇族待遇之條件第一款清王公世爵概仍其舊第二款清皇族對於中華民國國家之公利權利與國民同等第三款清皇族私產一体保護第四款清皇族免當兵之義務丙關於

滿蒙回藏各族待遇之條件第一款各族與漢人一律平等第二款保護其原有之私產第三款王公世爵概仍其舊第四款王公中有生計過難者設法代籌生計第五款先籌八旗生計於未定之前八旗兵弁俸餉仍舊支放第六款從前營業居住等限制一概蠲除各州縣聽其自由入籍第七款滿蒙回藏原有之宗教聽其自由信仰以上條件列於正式公文由兩方代表照會各國駐京公使轉達各該政府又旨朕欽奉隆裕皇太后懿旨古之君天下者重在保全生命不忍以養人者害人現將新定國體無非欲先弭大亂期保乂安若拂逆多數之民心重啓無窮之戰禍則大局決裂殘殺相尋勢必演成種族之慘痛將至九廟震驚兆民荼毒後禍何忍復言兩害相形惟取其輕此正朝廷審時觀變痼疾吾民之苦衷凡爾京外臣民務當善体此意為全局熟權利害勿

得挾虛憊之意氣逞偏激之空言致國與民兩受其禍著民政部步軍統領姜桂題馮國璋等嚴密防範剋期導俾皆曉然於朝廷應天順人大公無私之意至國家設官分職以為民樞內列閣府部院外建督府司道所以康保群黎非為一人之家而設爾京外大小各官均宜慨念時艱慎供職守應即責成各長官敦切誠勸毋曠厥官用副予夙昔愛撫庶民之至意欽此宣統三年十二月二十五日蓋用御寶內閣總理大臣袁世凱會同各國務大臣署名共和詔下南北各界人心為之一快孫大總統咨參議院曰今日本總統提出表辭要求改選賢能選舉一事原國民公權本總統實無容喙之地惟前使伍代表電北京有約以清帝實行退位袁世凱君宣布政見贊成共和即當提議推讓想貴院亦表同情旋經參議院議決通電各省各處惟要求袁君來甯就職其未就

職以前係大總統暫不解職云云當晚參議院開臨時會議布告清帝退位事
二十七日未項城通電直魯晉汴奉吉黑等省略云此次朝廷辭政與應朝禪
讓不同皇帝尊號仍存優待各條中外無不滿意各省官紳商民軍警各界當
各深明大義勿為謠言煽惑倘有不法之徒秘密集會并託言反對即是有心
擾亂和平應即捕辦北京宗社黨人均怨恨不平清太后傳飭民部將君主黨
派解散外交團因清廷已實行退位誠恐宗社黨暴動有害治安一律戒嚴
二十八日清帝退位詔宣布後袁世凱君致南京政府電曰共和為最良國體
世界所公認今由帝政一躍而躋之實諸公累年之心血亦民國無窮之幸福
大清皇帝既明詔辭位業經世凱署名則宣布之日為帝政之終局即民國之
始基從此努力進行務令達到圓滿地位永不使君主政體再行於中國現在

統一組織至重且繁世凱極願南行暢聆大教共謀進行之法因北方秩序不易維持軍旅如林須加部署而東北人心未盡一致稍有動搖牽涉全國諸君皆洞鑒時局必能諒此苦衷至共和建設重要問題諸君研究有素成竹在胸應如何協商統一組織之法尚希迅即見教孫當即復電云慰亭先生鑒電悉文以菲材辱膺國民推戴受任以來拮据張皇力不副願嘗恐覆餗貽羞負國民委託之重自慚受任無狀日夜希冀推賢讓能苟得如公者舉而自代其締造國民幸福當非意料所能預揣文即引躬退在草野為一共和國民於願已非常滿足無如時勢未來形格勢禁致公未得即遂共和進行之願文竇尸位至今幸清帝遜位民國確立維持北方各部統一南方惟公一人是賴諺云英雄造時勢蓋謂是也文有何功過蒙獎譽曷勝愧汗新舊交替萬幾待舉遺大

投報非公莫辨謹虛左以俟明哲不勝佇立翹望之至是日孫總統布告陽曆
二月十五日即十二月二十八日行民國統一慶典海外華僑暨各省都督均致電表公
慶賀京津保各大都會紳民商學各界亦相繼舉行提燈會慶祝共和萬歲歡
騰踴躍舉國若狂洵千載一時煥燿大地之盛事也中華共和國統一於是
乎告成矣

中華民國二十九年五月十五日

中華民國二十九年

五月十五日

五月十五日

五月十五日

五月十五日

五月十五日

中華民國二十九年五月十五日

辛亥革命大事錄

敘言

古今記載之書汗牛充棟大抵非失之荒唐即近於撫拾求一原原本本如數家珍可稱實錄推為信史者舍經傳外則寥落若晨星聞書尋譯其故蓋凡事不身歷其境者不足以存其真不親與其役者不足以發其蘊此徵之於理昭昭然也辛亥革命大事錄一書為余友草莽餘生所撰與新中國武裝解決和平記同出一手篇中不著姓氏繫以某君即其自謂友少負奇才素以志士鳴於時其一種慷慨激昂之氣憂時愛國之忱久已蘊蓄於中待時而洩是以武漢發難以後即奔馳南北出死入生游說兩方剖陳利害卒使億兆生靈咸登衽席兩宮遜讓還我河山其關係全局為何如哉今者功成事定追維往事怵目驚心又以此次鉅變為千古未有之奇局他書所載率多闕略不有記述恐

Wt 274/1701

如過眼烟雲久而漸淡特就昔日所居之境所興之役與夫見聞聞按日有
錄抄集成冊始八月十八壬子迄十二月二十六庚子凡百有八日中間事蹟
雖極龐雜悉以簡要之筆出之且有外人所不獲知者謂為實錄謂為信史云
胡不宜書成留置案頭取便檢閱雅不欲持以問世余念是編詳略得中考証
精確且以屈於下位毫無責任之人獨能不避艱險不辭勞瘁手抗狂瀾歸於
底定厥功甚偉湮沒不彰奚以風世爰索其稿略加校正付之梨棗以備異日
國史之資諒亦吾人所歡迎而不視為陳迹也敢以質之讀是編者

中華民國元年季夏之月津門張紹曾謹序